



Bolazuri ar Sóore Biá

Australíat biá goríbélla honíkka ré bolazuri goróon ekkán sóngin jurúm.

Australíat, manúic ókkol biá goríbou nogoríbou ektiyar goríbélla azad ar zaré biá goittóu mone hoó. Aám hísafe, manúic uggwáttu biá goríbélla kaanuni **18 bosór** ór uore wáa foribóu. Kessú háalot ot **16 bosór** ór uore manúic uggwá 18 bosór ór manúic uggwá biá gorífare, lékin kuúth ór odhár ekkán lage.

Yían Australíar kaanun or hélaf honíkka ré bolazuri, dómkidi yá dúkabazi gorí biá gorái bélla. Yían ó kaanun or hélaf boldibellá yá bolazuri biá goitté modot goríbélla, ar bolazuri biát paáthi óibella zodi tuñí cíkari noóde óile. Yían kaanuni, solasol arde dini biá ókkol ót lagaza.

Ekkán entezam goijjá biá, zeçé dunú paáthi biá goríbélla azadi sáñte monzuri diyé, yían bolazuri biá forók. Entezam goijjá biá ókkol óilde Australíat kaanuni.

Zodi tuñí yá tuñí zanodé honíkka hótarat táke **000** nombór ót fulic dhako.

Australíar fulic héfazot óla ar biccác gorífare.

Zodi tuáñrtu maana torjuma goróya ekzon lage **131 450** ot dhako.

Yían bekaanuni, bolazuri biá dibellá honíkka ré loizai bélla, yá honíkka ré oinno dec ót defeçái bélla, yá honíkkár háta yían entezam goríbélla.

Bazomotta manúic ókkol óre tarár mozir uldha loizagói yá bidec zar hoói dúka diyaza bolazuri biá uggwá goráibélla. Yían dáse kaanun or uldha ar ziyól ót zaibar notiza óifare.

Tuñí, yá tuñí sinóde honíkka, hótarat asé né?

Zodi tuñí yá tuñí zanodé honíkka bútoe asé, yá uggwá bolazuri sóore biá gorár hótarat táke tuñí **Australíar Féderél Fulic** (AFP) ot modot ollá taaluk gorí faribá **131 237** (131AFP) ot.

AFP ye tuáñre héfazot rakí faribóu, cúzur mocuwara difaribóu ar hémayot ólla oinno hédmot ókkol ot háwala gorí faribóu zeén néki tákibar-zaga, thiañr hédmot, mocuwara arde kaanuni immigricén ór mocuwara. Aró maalumat ókkol **AFP wébsáith** ót asé **www.afp.gov.au** 't asé.

Australíat oinno hédmot ókkol ó asé ziyán é modot gorí faribóu.

My Blue Sky dáse Australíar koumi wébsáith arde modot or lain, háas gorí bolazuri biá gorá ruká, maalumat, háwala gorá ókkol arde maana kaanuni mocuwara diyallá.

(02) 9514 8115, text **0481 070 844**, eméil **help@myblueskye.org.au** ot koól goró yá **My Blue Sky wébsáith** ot zo **www.myblueskye.org.au** ot.

1800RESPECT óilde Australíar Koumi Jíns ór Hámla, Fémlí arde Góror bútoror Maramarir Mocuwara hédmot (Australia's national sexual assault, family and domestic violence counselling service). Yían é kúfia telifún ar onláin mocuwara arde maalumat ókkol maana de. Mocuwara douya ókkol é tuáñr hotá fúnibou, súal ókkol ór zuab dibou ar tuáñr mahállí zagat aséde oinno modot or hédmot ókkol ór éçe háwala gorí faribóu.

1800 737 732 nombór ót dhako yá **1800RESPECT wébsáith** ot zo **www.1800RESPECT.org.au**.

Tuáñrtu torjuma goróya ekzon lagibóu né?

Torjuma arde Hotá báñgidiyar Hédmot (Translating and Interpreting Service) ot koól goró (TIS)

131 450 nombór ót. TIS óttu hotá báñgidouya ekzon e tuáñre modot gorí faribóu oinno hédmot ókkol lói taaluk goríbélla, mogor TIS é mocuwara diya nogoré. Koól beggún maana ar gufoniya.

Bolazuri biár uore aró maalumat ókkol:

Góror Maamela ókkol ór Dipáthmen (Department of Home Affairs) ot zo **www.homeaffairs.gov.au** ot ar "bolazuri biá" ("forced marriage") llá tuwo.